

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

**«Коми Республикаса канму власьт органьяслөн «Коми Республикаса муниципальнöй юкөнъяслөн сөвет» ассоциациякөд өтув уджалöмын өткымын юалöм йылысь» Коми Республикаса Оланпаслөн
3 статьяö вежсьöм пыртöм йылысь**

Примитöма Коми Республикаса
Каналан Сöветөн

2024 вося урасьöм тöлысь 15 лунö

1 статья. Пыртны «Коми Республикаса канму власьт органьяслөн «Коми Республикаса муниципальнöй юкөнъяслөн сөвет» ассоциациякөд өтув уджалöмын өткымын юалöм йылысь» Коми Республикаса Оланпаслөн 3 статьяö (Коми Республикаса канму власьт органьяслөн индöд-тшöктöмьяс, 2010, 10 №, 183 ст.) вежсьöм, гижны сійöс тадзи:

«3 статья

1. Коми Республикаса Каналан Сöветлысь Коми Республикаса муниципальнöй юкөнъяслөн сöветкөд өтув уджалöм серти уджмогьяссö урчитöны Уджьёртасьöм да өтув уджалöм йылысь артмöдчöмөн, кутшöмöс кырымалöма Коми Республикаса Каналан Сöвет да Коми Республикаса муниципальнöй юкөнъяслөн сöвет костын.

2. Коми Республикаса Вescькөдлан котырлөн Коми Республикаса муниципальнöй юкөнъяслөн сöветкөд өтув уджалöм серти уджмогьясö пырöны:

1) Коми Республикаса муниципальнöй юкөнъяслөн сöветö Коми Республикаса Вescькөдлан котырөн урчитöм пöрадокын Коми Республикаса оланпас балаяс, кутшöмьясöс Коми Республикаса Каналан Сöветö пыртö Коми Республикаса Вescькөдлан котыр, да меставывса асвescькөдлан юалöмьяс серти Коми Республикаса Вescькөдлан котырлысь мукöд нормативнöй инöда акт видлалöм вылö ыстöм;

2) Коми Республикаса Вescькөдлан котырөн урчитöм пöрадокын Коми Республикаса муниципальнöй юкөнъяслөн сöветöс петкөдлысьясöс меставывса асвescькөдлан юалöмьяс серти сöвещательнöй, координационнöй, консультативнöй да мукöд уджалан органö пыртöм, кутшöмьясöс лöсьöдö Коми Республикаса Вescькөдлан котыр;

3) Коми Республикаса муниципальнöй юкөнъяслөн сöветлөн участвуйтöмөн меставывса асвescькөдлан юалöмьяс видлалöм могысь сöвещаниеяс, «гöгрöс пызаньяс», конференцияяс, семинарьяс, кывзöмьяс да мукöд мероприятие нуöдöм;

4) Коми Республикаса муниципальнöй юкөнъяслөн сöветкөд меставывса асвescькөдлан юалöмьяс серти юөрөн вежласьöм;

5) Коми Республикаса Вescькөдлан котырөн урчитöм пöрадокын, федеральнöй оланпастэчас да Коми Республикаса оланпастэчас серти Коми

Республикаса муниципальной юкӧнъяслӧн сӧветлы уставной уджсӧ збыльмӧдӧмын, сы лыдын юӧрӧн да методика боксянь, консультативной, сьӧмӧн могмӧдӧм боксянь, отсӧг сетӧм.».

2 статья. Тайӧ Оланпасыс вынсялӧ сійӧс официальной йӧзӧдан лунсянь.

Коми Республикаса Веськӧдлан котырлы примитны нормативной инӧда актяс, кутшӧмъяс могмӧдӧны тайӧ Оланпас збыльмӧдӧмсӧ.

Коми Республикаса Юралысь

В.В. Уйба

Сыктывкар

2024 вося урасьӧм тӧлысь 27 лун

2-РЗ №